

КОМПОЗИТОРЫН ЧОНЖО - КАЛЫКНАН ПОРСЫН КУМЫЛЖО



Пайрем касын участникше-влак

19 ноябрьште Унчо клубышто марий композитор Виктор Петрович Данилов лумеш кас эрталтын. Ила гын, тений 25 декабрьште 92 ийым тема ыле.

Виктор Петрович Данилов – Россий композитор ушемьн енге (1972), Марий Эл Республикысе искусствын сулло пашаенже (1986), Марий Эл Кугыжаныш (1982) да Олык Ипай лумеш самырык-влак премийын лауреатше (1980).

Виктор Петрович Тульский область, Щекинский районьсо Новая стройка поселкеш 1931 ий 25 декабрьште шочын. Ешыже 1932 ийыште Унчо ялышке пӧртылмеке, Виктор Данилов Унчо шымияш школышто шинчымашым поген.

Пайрем касым тудлан ямдылыме – изирак презентаций дене почна. Виктор Даниловын возымо семже уло клубым шергылтарен кайыш. Пайрем касым вудышӧ-влак – книгагудо

вуйлатыше Лидия Геннадиевна ден Унчо школышто музыкым туныктышо Алевтина Ивановна, композиторын илыш корныжым шергалын лектыч.

В.Даниловын илыш корнысо кугурак лончыжо «Марий памаш» фольклор да этнографий ансамбль дене кылдалтын. Тиде ансамблым тудо 1974 ийыште чумырен. Чапланыше коллектив Российыште веле огыл, Голландийыште, Испанийыште, Дунай кундемыште да моло эллаште мастарлыкым ончыктен, марий калык искусство дене палдарен. Тудо моло композитор дечын ойыртемалтешак. Сем пояныкше калык йула, фольклор шӱлыш дене шынгаралтын. Тидлан туналтышым йоча жапыштыжак Шора энгер серыште, Унчо кундемыште налын. Эше изиж годымак Марий филармонийын, театр гыч толшо артист-влакын ялыште ончыктымо концерт ден спектакльышкышт кумылын коштын. А муро сем-влакым иканаште шарнен кодын.

Композиторын шочмыжлан

92 ий темме лумеш касыште Виктор Петровичын да Эльвира удрыжын шарналтен каласкалымыштым (возен кодымо йукуштым) ончаш толшо калык кумылын колышто.

Виктор Даниловым шарналтен, Унчо илемын администраций вуйлатышыже Иван Михайлович Евсеев, Марий Эл Республикысе Кугыжаныш Погынын депутатше, «Передовик» ял озанлык вуйлатыше Юрий Арсентьевич Игнатьев, Унчо кундемын тукумвож эргыже Юрий Владимирович Иванов ойлышт.

Тыгак «Марий памаш» калык фольклор-этнографий ансамблын вуйлатышыже Мария Лазаревна Соловьева ден ты ансамблыште шуко ий мурышо да куштышо Лариса Шабдарова порын шарналтен каласкалышт.

Касым «Марий памаш» ансамблын кугу концертше мучашлыш.

**Лидия ЯМНЕЕВА,
Унчо книгагудын
вуйлатышыже**